



BLC Banja Luka College

VODIČ ZA STUDENTE 2023/24.



Akreditovani i licencirani
akademski studij

www.blc.edu.ba



Akreditovani i licencirani akademski studij

Banja Luka College je akreditovana, visokoškolska ustanova akademskih studija, koja nudi napredna znanja, koja omogućavaju konkurentsku prednost na tržištu, kako u BiH tako i u inostranstvu. Banja Luka College je prva visokoškolska ustanova u Bosni i Hercegovini koja je dobila Rješenje o akreditaciji od strane Agencije za akreditaciju visokoškolskih ustanova Republike Srpske. Svakom studentu se omogućava sticanje znanja iz oblasti koje mu omogućavaju rad u dinamičnom poslovnom okruženju, a cilj je da diplomirani studenti posjeduju: stručnost, samostalnost, predanost, kvalitet i samosvijest. Studij obuhvata (klasična i virtualna) predavanja, konsultacije, stučne ekskurzije, susrete studenata, studentsku praksu i studentsku razmjenu.

Za online nastavu BLC koristi Microsoft Teams, alat koji je dio Office-a 365 paketa, a koji svaki student prilikom upisa na BLC, može sebi besplatno instalirati i nastavnicima i studentima omogućuje jedinstven način komunikacije i rada. Na taj način smo osigurali virtualne učionice, u kojima nastavu izvodimo licem-u-lice, a u okviru predmeta, koje studenti slušaju po rasporedu nastave, zadaju se i određeni zadaci, rade vježbe, odvija se interaktivna komunikacija i studenti imaju mogućnost svakodnevnih konsultacija sa profesorima.

Kombinovanje različitih metoda studija omogućava bolje prilagođavanje željama i sposobnostima studenata dobivanje širokog spektra kompetencija za što uspješniju izgradnju poslovne karijere. Odnosi između predavača, studenata i menadžmenta BLC-a su na takvom nivou koji omogućuje prostor harmonije, povjerenja i vjere da je takvo povezivanje temelj uspješne sadašnjosti i budućnosti.

BLC preko programa ERASMUS+ omogućava studentima studiranje i praksu na partnerskim visokoškolskim ustanovama u različitim državama. Na taj način studenti BLC-a otvaraju nove vidike, uče druge jezike, upoznavaju različite kulture i običaje i pripremaju se za međunarodno tržište rada i usavršavanje iz različitih područja.

Studijski programi BLC-a su licencirani od strane Ministarstva prosvjete i kulture Republike Srpske i Ministarstva za naučnotehnološki razvoj, visoko obrazovanje i informaciono društvo Republike Srpske. Licenciranjem studijskih programa se definiše da li visokoškolska ustanova ispunjava zakonom predviđene uslove za realizaciju nastave na određenom studijskom programu.

Studenti stiču akademska zvanja u skladu sa Zakonom o zvanjima koja se stiču završetkom visokog obrazovanja („Službeni glasnik Republike Srpske“, br. 33/14 i 63/14).



Studijski smjerovi

4

ČETVEROGODIŠNJI STUDIJ (240 ECTS)

- > Inženjerstvo informacionih tehnologija
- > Grafički dizajn i vizuelne komunikacije
- > Poslovna ekonomija
- > Menadžment logistike, špedicije i osiguranja
- > Novinarstvo
- > Menadžment gastronomije i ugostiteljstva

3

TROGODIŠNJI STUDIJ (180 ECTS)

- > Informatika
 - > Grafički dizajn i vizuelne komunikacije
 - > Preduzetnički menadžment
 - > Menadžment zaštite na radu i zaštite životne sredine
- 

Organizacija prostora

Nastava se odvija u amfiteatarima, učionicama, studijima i kabinetima opremljenima potrebnom opremom za sve studijske smjerove.




Prostorije su označene prema namjeni za izvođenje nastave, a amfiteatri prema bojama koje dominiraju u njima. Za sve informacije, upise, predavanje molbi, rješavanje statusa studenta te ostala studentska pitanja na raspolaganju vam je Studentska služba, smještena na prvom spratu.

BLC raspolaže internom bibliotekom, kojoj možete pristupiti i elektronski <http://biblioteka.dobarznak.com/>, sa nekoliko hiljada naslova iz različitih naučnih oblasti, informatike, ekonomije, marketinga, novinarstva, produkcije, finansija, logistike, dizajna, grafike i umjetnosti. Studentima je na raspolaganju i brojna beletristika koju možete pozajmiti za relaksaciju tokom pauza i uživati u čitaonici i terasi na prvom spratu zgrade.

Za druženje, osvježanje i odmor između predavanja i tokom ispita na raspolaganju vam je prostrana chill zona sa aparatima za tople i hladne napitke, „snack“ aparatima, TV-om i pristupom internetu.


Prizemlje



I Sprat



II Sprat





Upis na BLC

Trajanje studija: student može, po svom izboru, da se upiše na trogodišnji ili četverogodišnji studij. Na prvu godinu studija može da se upiše kandidat koji je završio četverogodišnju srednju školu. **Za upis u prvu godinu studija potrebno je donijeti diplomu o završenoj srednjoj školi, svjedočanstva za sve razrede srednje škole, izvod iz matične knjige rođenih (original ili ovjerenu kopiju) i priložiti dvije fotografije.**

Školarina (za oba semestra) iznosi **2.550 KM** i može se uplatiti u **12 mjesečnih rata** ili kreditom preko poslovnih banaka. U cijenu školarine su uračunate sve obaveze koje student ima od upisa do diplome, a koje uključuju potvrde, ispitne prijave, ispite, literaturu, vannastavne aktivnosti i diplomski rad.

Prvi upisni rok traje, u pravilu, od početka juna do 15. jula, a drugi upisni rok traje od 20. avgusta do 30. septembra.

Upis se obavlja u zgradi BLC-a, Miloša Obilića 30, Banja Luka.

Sve informacije možete dobiti na +387 51 433 010.

Šta bi trebalo da znam kao student BLC-a

Moodle e-nastava i Microsoft Teams

Na Moodle se prijavljujete sa pristupnim podacima koje ste dobili prilikom upisa - <https://e-nastava.blc.edu.ba/login/index.php>

Na digitalnoj oglasnoj tabli Moodle e-nastave dostupne su sve potrebne informacije, nastavni materijali, službeni dokumenti, informacije o broju bodova po predmetu i ishodu učenja, informacije o plaćanjima, obavještenja o promjenama, rasporedima nastave, ispitima, kolokvijumima, novostima, događajima, konkursima i slično.

Moodle ima svrhu olakšati studiranje, jer omogućava da sve potrebne informacije imate na jednom mjestu i da im možete pristupiti sa bilo koje lokacije.

Elektronskim putem možete pratiti informacije i obavljati većinu radnji vezanih za studiranje:

- > pratiti važna obavještenja
- > pratiti raspored predavanja
- > preuzeti nastavne materijale
- > prijavljivati ispite
- > pregledati ocjene
- > pratiti kalendar nastave i raspored ispitnih rokova
- > pristupiti e-biblioteci

Sajt BLC-a www.blc.edu.ba dizajniran tako da omogućava neposrednu i neprekidnu komunikaciju i interakciju studenata i nastavnika, kao i komunikaciju studenata sa administrativnim osobljem.

Studentima BLC-a je, po upisu, omogućen besplatan Office 365 na korišćenje, kao i Microsoft Teams gdje je također omogućena interaktivna online nastava i pristup svakodnevnim informacijama. Osigurali smo virtualne učionice, odvija se interaktivna nastava i studenti imaju mogućnost svakodnevnih konsultacija sa profesorima. Kombinovanje različitih metoda studija omogućava bolje prilagođavanje željama i sposobnostima studenata i omogućava dobijanje širokog spektra kompetencija za što uspješniju izgradnju poslovne karijere.

Studentski status

Studentski status stiče se upisom na BLC, a gubi se završetkom studija, kada se student ispiše sa visoke škole i kada iz nekih drugih razloga prekine studij ili ne upiše narednu godinu.

Za upis svakog semestra ispunjavate i predajete semestralni list u kojem se definišu ispiti koje ćete pohađati i status upisanog semestra.

Semestar možete upisati u sljedećim statusima:

> Upisan – ako prvi put upisujete semestar (godinu);

> Ponovni upis – ako u prethodnoj godini niste stekli dovoljno ECTS bodova za upis više godine, ponovno upisujete isti semestar (godinu);

Mirovanje – možete zatražiti mirovanje obaveza u trajanju jedne akademske godine ukoliko za to postoji opravdan razlog. Mirovanje obaveza moguće je za vrijeme trudnoće i do godine dana starosti djeteta, duže bolesti ili u sličnim opravdanim slučajevima.

Koji su uslovi za upis više godine studija?

Uslovi za upis više godine studija jednaki su za redovne i za vanredne studente. Za upis naredne godine potrebno je položiti ispite sa prethodne godine studija uz dozvoljeni prenos određenog broja predmeta u skladu sa zakonskim propisima. Student može upisati treću, odnosno četvrtu godinu, sa dozvoljenim prenosom određenog broja predmeta isključivo iz prethodne godine studija, a sa položenim svim predmetima iz prve, odnosno druge godine.

Studentska knjižica - Indeks

Studentska knjižica je identifikacioni dokument kojim dokazujete studentski status, u kojem se potvrđuje vaše prisustvo nastavi, ovjerava semestar i u koji se unose položeni ispiti.

Akademska godina - kalendar

Akademska godina sastoji se od dva semestra. Početkom oktobra počinje zimski semestar, a ljetnji semestar počinje početkom marta. Svaki semestar sastoji se od 15 sedmica nastave. Detaljnije informacije na sjatu www.blc.edu.ba.

Početak nastave 2023/2024

2. oktobar
Zimski semestar

4. mart
Ljetnji semestar

Napomena – BLC zadržava pravo
izmjene akademskog kalendara koji
je dostupan na www.blc.edu.ba

Ispitni rokovi

Januarsko-februarski
22.1. – 23.2.2024.

April
15.4. – 21.4.2024.

Junsko-julski
17.6. – 14.7.2024.

Septembarski
2.9. – 28.9.2024.

Oktobarski
30.9. – 12.10.2024.

Nastava

Nastava je organizovana prema akademskom kalendaru, u skladu sa kojim se definiše raspored nastave. Raspored nastave je u svakom trenutku dostupan na Moodle e-nastavi.

Ispiti

Tokom akademske godine imate januarsko - februarSKI, aprilSKI, junsko-julski, septembarski i oktobarski ispitni rok. Raspored ispita (dan, vrijeme i prostorija) objavljuju se na Moodle e-nastavi. Pratite rokove i na vrijeme prijavite ispite!

Konačni cilj obrazovnog procesa je osposobljavanje studenata za obavljanje određenih poslova. Osposobljavanje se ostvaruje kroz sticanje znanja i vještina, koji su definisani ishodom učenja. Položen ispit je dokaz da je student savladao definisane ishode učenja, dakle da je stekao određena znanja i vještine. Ishodi učenja se na svakom ispitu provjeravaju raznim metodama i svaka od njih donosi određen broj bodova, te je na svakom ispitu moguće osvojiti najviše 100 bodova, a minimalno 51 bod.

ECTS bodovi

Nastavni planovi svih studija potpuno su usklađeni sa ECTS bodovnim sistemom, odnosno Bolonjskom deklaracijom, a svaki predmet je definisan je kroz ishode učenja. ECTS bodovi (European Credit Transfer System) označavaju opterećenje koje se od vas očekuje prilikom izvršavanja svih obaveza vezanih uz određeni ispit. Definisani su očekivanim brojem časova koje će prosječni student potrošiti za učenje, vježbanje, izradu eseja i seminarskih radova kako bi položio određeni ispit. Svaki ispit nosi određeni broj ECTS bodova. Tokom jednog semestra, ako ste uspješno izvršili sve obaveze i položili ispite, možete ostvariti 30 ECTS-a, a na jednoj godini 60 ECTS-a.



ERASMUS+

BLC kroz programe ERASMUS+ omogućava studentima studiranje i praksu na partnerskim visokoškolskim ustanovama u različitim državama.

Karijerni centar

U karijernom centru možete pronaći sve potrebne informacije o mogućnostima prakse i svim našim kompanijama partnerima na tržištu s kojima imamo različite oblike saradnje.
<http://kc.blc.edu.ba/en/>



Studentska praksa

Studentska praksa je dio nastavnog plana koja studentima daje mogućnost sticanja početnih iskustava na svakodnevnom radnim zadacima u uspješnim organizacijama. Na BLC-u se organizuje događaj "Dani prakse" koji omogućava studentima zapošljavanje ili praksu.

Prepis studenata sa druge VŠU

Studenti sa drugih visokoškolskih ustanova mogu preći na BLC uz priznavanje ranije položenih ispita. Za upis je potrebno uvjerenje o položenim ispitima, diploma o završenoj srednjoj školi, svjedočanstva za sve razrede srednje škole, izvod iz matične knjige rođenih i dvije fotografije.



Podrška studiranju

Za vrijeme studija na BLC-u slobodno se obratite stručnim službama koje su tu kao podrška studentima i procesu studiranja.

POPUSTI

Odlikaši

Posebna pogodnost postoji za srednjoškolce koji su svaki razred srednje škole završili sa prosječnom ocjenom 5.0 - oslobađaju se školarine za prvi semestar prve godine studija na BLC-u.

Porodica

Studenti iz iste porodice upisani na BLC imaju popust na školarinu tokom cijelog studija.

Uspjeh

Najbolji student BLC-a u protekloj akademskoj godini je oslobođen plaćanja jedne godišnje školarine.



Studentska služba

Studentska služba primarno je usmjerena na pomaganje studentima kako bi uspješno studirali i ostvarili najbolje moguće studentsko iskustvo. Studentska služba studentima omogućava da riješe nedoumice, pređu barijere na svom studijskom putu, pomažući im da se prilagode novoj situaciji i načinu učenja. Također, ohrabruje studente da razviju lični osjećaj za obaveze kao i za studentska prava.

U studentskoj službi možete da preuzimate i popunjavate upisne materijale za upis viših semestara/godine studija, potvrđujete uplate školarine, dobijate obaveznu literaturu za svaki ispit (prije početka svakog semestra), prijavljujete ispite, predajete molbe i žalbe i slično. Za sva pitanja tu je e-mail adresa: info@blc.edu.ba i blc@teol.net

Koordinatori nastave

Informacije vezano za nastavu, ispitne rokove, pitanja oko nastavnog plana i programa, uvjerenja o položenim ispitima zbog prijavljivanja diplomskog rada i drugih tekućih pitanja oko nastave daju koordinatori nastave.

Primjedbe i pohvale

Tokom studiranja sve svoje prijedloge, pohvale, mišljenja možete podijeliti sa osobama odgovornim za organizaciju i sprovođenje studijskog programa pomoću Kutije za žalbe. Kutija je postavljena u prizemlju pored Oglasne table. Svoje prijedloge, pohvale, mišljenja možete ubaciti anonimno ili se na njih potpisati. Na sve prijedloge i primjedbe BLC će dati odgovor pisanim putem osobi koja je predala i potpisala prijedlog ili objavom odgovora na oglasnoj tabli ukoliko je prijedlog bio anonimn. Tradicionalna kutija za žalbe osigurava potpunu anonimnost primjedbi i komentara.

Kvalitet

Studenti mogu i trebaju uticati na kvalitet studija svojim prijedlozima. Svi su prijedlozi dobrodošli i razmatraju se. Tokom studija ispunjavaćete ankete o vašem zadovoljstvu studijem i organizacijom nastave, a moći ćete davati prijedloge za poboljšanje nastave. Studentske ankete su potpuno anonimne.

Studentski parlament

Studentski parlament je tijelo koje omogućava većem broju studenata da se uključi u rasprave vezane za studij i studiranje. Cilj je da zajedno omogućimo poboljšanje studija ili otklonimo probleme koje studenti primjećuju.

Informatika i Inženjerstvo informacionih tehnologija

Student koji završi trogodišnji studij stiče akademsko zvanje:

3 – Diplomirani informatičar
180 ECTS

Student koji završi četverogodišnji studij stiče akademsko zvanje:

4 – Diplomirani inženjer informatike
240 ECTS



Danas gotovo da i ne postoji djelatnost koja se ne oslanja na primjenu informacionih tehnologija. Zato inženjeri informatike koji završe inženjerstvo informacionih tehnologija, ne čekaju na posao. Ovaj studijski smjer obrazuje buduće IT stručnjake i inženjere koji utvrđuju potrebe svoje organizacije za primjenom informacionih tehnologija, rade na izboru potrebnih IT proizvoda, vrše projektovanje sistema, integrišu različite IT proizvode u jedinstven sistem i rade na upravljanju njihovim korišćenjem i održavanjem. Inženjeri informatike definišu i održavaju računarske servere i mreže, i odgovorni su za njihov bezbjedan rad i zaštitu.

Cilj studijskog smjera Inženjerstvo informacionih tehnologija je da osposobi studente da se uspješno bave profesionalnim razvojem informacionih tehnologija, strukturisanim, objektno-orijentisanim, funkcionalnim i logičkim programiranjem, algoritmima, operativnim sistemima, bazama podataka i informacionim sistemima. Studijski smjer Inženjerstvo informacionih tehnologija ima za cilj da diplomiranim studentima obezbijedi znanje i vještine koje će im omogućiti profesionalni rad u oblasti informacionih tehnologija i poslovnih informacionih sistema. Stručnjaci iz ove oblasti prkose negativnim trendovima nezaposlenosti u svijetu. Potražnja za vrhunskim informatičarima je velika.

Grafički dizajn i vizuelne komunikacije

Student koji završi trogodišnji studij stiče
akademsko zvanje:

3 – Diplomirani grafički dizajner
180 ECTS

Student koji završi četverogodišnji studij
stiče akademsko zvanje:

4 – Diplomirani grafički dizajner
240 ECTS



Studijski smjer Grafički dizajn i vizuelne komunikacije namijenjen je onima koji žele da svoja interesovanja za ovaj dio primijenjene umjetnosti, kao i za svoju kreativnost i talenat, pretoče u vizuelne forme koje će u isto vrijeme imati umjetničku vrijednost ali i primjenu u samoj praksi.

Ovaj studijski smjer oslanja se, kako na savremene tehnologije, tako i na tradicionalna znanja iz oblasti umjetnosti. Kombinacija poznavanja vizuelne kulture i neophodnih softverskih paketa stvara stručnjake koji će u potpunosti odgovarati izazovima savremenog dizajna. Adobe Photoshop, Illustrator, InDesign, spadaju u osnovni softver koji se izučava tokom studija i primjenjuje kroz mnoštvo vježbi na realnim primjerima iz prakse u grafičkom ateljeu BLC-a. Osim toga, studenti će tokom studija biti upoznati i sa programima kao što su FontLab, Studio5, 3dsMax, Adobe Premier, After Effects i drugi. Po završetku osnovnih studija studentima nije neophodna dodatna obuka iz bilo koje oblasti, jer već raspolažu svim potrebnim vještinama i znanjima.

Na ovom smjeru naučićete sve o dizajnu štampanog promotivnog materijala, plakata, bilborda, poslovne galanterije, ambalaže, zatim o dizajnu aplikacija za tekstil, pripremi za štampu, dizajnu korporativnog identiteta, prelomu knjiga i brošura, grafičkoj opremi za knjige. Bićete osposobljeni da pravite sve ono što čini imidž jedne firme, tj. njen korporativni identitet (izrada logotipa, knjiga standarda, dizajn kompletnog promotivnog materijala, kao što su brošure, plakati, pamfleti, katalozi, flajeri). Naučićete kako se stvara, kreira i održava jedan brend.

Preduzetnički menadžment i Poslovna ekonomija

Student koji završi trogodišnji studij stiče akademsko zvanje:

3 – Diplomirani ekonomista - menadžer
180 ECTS

Student koji završi četverogodišnji studij stiče akademsko zvanje:

4 – Diplomirani ekonomista
240 ECTS



Smjer Preduzetnički menadžment kao trogodišnji studij i Poslovna ekonomija kao četverogodišnji studij i kao logičan nastavak smjera Preduzetnički menadžment koncipiran je kao odgovor na uočeni nedostatak visokoobrazovanih sadržaja oblikovanih prema potrebama savremenog poslovanja i usmjerenih razvoju preduzetničke kulture.

Ovi smjerovi ujedno odgovaraju na izazove aktuelne poslovne prakse i tržišta rada kome su neophodni kadrovi opremljeni efikasnim poslovnim znanjima i vještinama potrebnim za servisiranje rastućih potreba malih i srednjih preduzeća kao prirodnih zamajaca ekonomskog razvoja na globalnoj sceni.

Nastavni program studija usmjeren je ka podsticanju i razvijanju individualnih preduzetničkih osobina i sposobnosti te sticanju poslovnih znanja i vještina. Podstiču se i razvijaju inicijativnost, inovativnost, kreativnost, komunikativnost, sposobnost prepoznavanja prilika te procjene i preuzimanja prihvatljivog poslovnog rizika. Specifičnim poslovnim znanjima i vještinama nabrojane osobine i sposobnosti pretvaraju se najprije u realistične poslovne ideje, a zatim i projekte koji će imati sve preduslove za uspješnu realizaciju. Težište svih aktivnosti na ovom smjeru je na svestranom poslovnom i preduzetničkom obrazovanju te pripremi za savremene poslovne izazove.



Menadžment logistike, špedicije i osiguranja

Student koji završi četverogodišnji studij
stiče akademsko zvanje:

4 – Diplomirani ekonomista
240 ECTS

BLC je prva visokoškolska ustanova u BiH, koja je prepoznala potrebu za logističkom profesijom i koja je u svoje studijske programe uvela smjer za logistiku i špediciju. Logistika je nauka i poslovna filozofija koja se bavi kretanjem i isporukom materijalnih dobara, proizvoda, usluga i informacija.

Logistički menadžeri upravljaju različitim tokovima, procesima, sistemima i resursima sa ciljem da se prava roba ili usluga nađu na pravom mjestu, u pravo vrijeme, u pravoj količini, pravom stanju, pravom pakovanju i to sve po prihvatljivim cijenama. Logistika predstavlja sistemsku podršku bez koje ne može da funkcioniše nijedna privredna i društvena djelatnost. Za logističkim stručnjacima postoje realne potrebe u velikom broju različitih djelatnosti. Menadžeri logistike i špedicije najčešće se zapošljavaju u: špediterskim kompanijama i agencijama; trgovačko distributivnim kućama; industriji i proizvodnji; logističkim i distributivnim centrima; skladištima; transportnim kompanijama drumskog, željezničkog, vazdušnog, vodnog i poštanskog saobraćaja; ministarstvima, privrednim komorama, gradskim upravama; osiguravajućim kućama; vojsci, policiji, servisnim službama.

Logistički stručnjaci rade kao analitičari, planeri, konsultanti, menadžeri, specijalisti i asistenti na različitim nivoima odlučivanja.

Menadžment zaštite na radu i zaštite životne sredine

Student koji završi trogodišnji studij stiče akademsko zvanje:

3 – Diplomirani menadžer zaštite na radu i zaštite životne sredine
180 ECTS



Na smjeru Menadžment zaštite na radu i zaštite životne sredine studenti stiču znanje, vještine i kompetencije u sljedećim oblastima: upravljanje rizikom i metode procjene rizika i upravljanje projektima, proizvodnim procesima i sistemima, postrojenja instalacija pod pritiskom, osnove ekološkog građenja, transportnih sistema, zaštite građevinskih objekata od požara, zaštite životne sredine, određivanja i praćenja zagađujućih materija u životnoj sredini, te metodologijom izrade dokumentacije za dobijanje ekološke dozvole. Studenti su osposobljeni za obavljanje poslova sigurnosti i zdravlja na radu; poslova zaštite zdravlja zaposlenih, ispitivanja radne okoline, poslova analize i kontrole kvaliteta životne sredine, poslova u državnim agencijama, inspekcijama, konsultatnstkim firmama iz oblasti zaštite životne sredine, nevladinom sektoru za zaštitu životne sredine i edukaciju stanovništva.

BLC je potpisao sporazum o saradnji sa Visokoškolskom ustanovom „CEPS – Centar za poslovne studije“ na kojoj studenti BLC-a mogu nastaviti četvrtu godinu studija na smjeru Zaštita na radu, i dobiti zvanje inženjer zaštite na radu. Na ovaj način studenti BLC-a imaju jedinstvenu priliku da završe studij iz oblasti inženjerstva zaštite na radu i steknu najsavremenija znanja koja su primjenljiva u svakom preduzeću.

Novinarstvo

Student koji završi četverogodišnji studij
stiće akademsko zvanje:

4 – Diplomirani novinar
240 ECTS



Potreba za kvalitetno obrazovanje mladih novinara, ali i stručnjaka za odnose s javnošću, koji se po završetku školovanja brzo prepoznaju na tržištu rada i aktivno uključuju u medijska zbivanja i rad u medijima, glavni je razlog višegodišnjeg postojanja ovog smjera. Studij novinarstva koncipiran je kao savremeni i dinamičan obrazovni program, usmjeren na sticanje znanja i vještina primjenjivih u svakodnevnoj medijskoj praksi.

Ovaj smjer ima za cilj da osposobi kompetentne medijske stručnjake za rad u tradicionalnim i novim medijima. Tokom studija stiču se osnovna znanja za rad u medijima, multidisciplinarne spoznaje iz područja politike, ekonomije, kulture i ostalih društvenih područja, praktična i teorijska znanja iz medijske prakse i razvoja medija. Budućim novinarima i medijskim stručnjacima na ovom smjeru, uz teoretska znanja, omogućena je i kontinuirana medijska praksa na samom studiju (College radio i College magazin) koju vode nastavnici i ugledni medijski stručnjaci, kao i praksa u aktualnim medijima u Republici Srpskoj.

Završeni studenti osposobljeni su za rad u novinarstvu i u odnosima s javnošću, te obavljanje novinarskih, uređivačkih i upravljačkih poslova u televiziji, radiju i on-line medijima, u novinskim i izdavačkim kućama, kao i mjestima gdje su neophodni stručnjaci za odnose s javnošću.

Menadžment gastronomije i ugostiteljstva

Student koji završi četverogodišnji
studij stiče akademsko zvanje:

**4 – Diplomirani menadžer
gastronomije i ugostiteljstva**
240 ECTS



Usljed nedostatka kadrova iz oblasti gastronomije i ugostiteljstva, BLC nastoji da unapređuje ponudu obrazovanja kadrova prilagođenih savremenom tržištu rada. Gastronomija i ugostiteljstvo kao ključne kompetencije za cjeloživotno učenje dobijaju sve više na značaju i javlja se sve veća zainteresovanost u regionu i Evropi za razvijanje obrazovnih programa koji podstiču ovu kompetenciju. BLC je prepoznao značaj ovih grana, koje uključuju i preduzetničko učenje. Cilj BLC-a je da postane prepoznatljiv upravo po obrazovanju mladih kadrova koji su sposobni da se samozaposle i naprave nova radna mjesta, stoga je jedina visoka škola koja obrazuje kadar iz oblasti menadžmenta gastronomije i ugostiteljstva.

Završeni studenti osposobljeni su za rad kao menadžeri u hotelima, restoranima, etno selima, eko centrima, rafting centrima, restoranima u tržnim centrima.



Diploma akreditovane ustanove dokaz kvalitetnog studija

Akreditacija dokazuje da su studenti upisani u visokoškolsku ustanovu koja zadovoljava kvalitet studija koji traže evropski standardi obrazovanja i izdavanja diplome. Ukoliko student želi da nastavi studije u drugoj ustanovi, u zemlji ili inostranstvu, i da pri tome vrši prenos stečenih akademskih (ECTS) bodova važno je da su obje ustanove akreditovane. Akreditacija je značajna za kvalifikacije i kompetencije koje student stiže jer je to najbolji način da obezbijedi prohodnost do poslodavaca i profesionalnih udruženja.

Izbor studijskog programa i smjera - izbor profesije

Studenti biraju profesiju kroz izbor studijskog programa. Studenti biraju uže profesionalno područje kroz izbor smjera na studijskom programu, kao važnu prednost u profesionalnom razvoju i prilagođavanju kretanjima na tržištu rada. Student bira studijski program na prvoj godini studija.

Trajanje studija

Studij prvog ciklusa traje tri ili četiri akademske godine. Student može, po svom izboru, da upiše trogodišnji studij (vrednuje se 180 ECTS bodova) ili četverogodišnji studij prvog ciklusa (vrednuje se 240 ECTS bodova). Student koji je upisao trogodišnji studij može preći na četverogodišnji studij i tako studirati jednu godinu duže. Student koji je završio trogodišnji studij može da nastavi studij tako što će upisati četvrtu godinu studija na istom ili drugom studijskom programu.

Promjena studija – prilagođavanje uslovima na tržištu rada

Student može preći sa jednog smjera na drugi smjer u istom studijskom programu. Student može preći sa jednog studijskog programa na drugi studijski program.

Sticanje akademskog zvanja - uslov za dalji studij

Studij završava sticanjem akademskog zvanja predviđenog zakonskim propisima, koje omogućava zapošljavanje i nastavak studija. Student može nastaviti master studij (drugi ciklus) koji traje dvije godine ako je student završio prvi ciklus u trajanju od tri godine, i traje jednu godinu ako je student završio prvi ciklus u trajanju od četiri godine.

Savremena organizacija i kvalitet studija

Modeli, organizacija i kvalitet studija zasnivaju se na principima Bolonjske deklaracije, zadovoljavaju standarde visokog obrazovanja i ispunjavaju uslove predviđene zakonom.

BLC Aktivnosti

Dani prakse

Na BLC-u svake godine u novembru se organizuje događaj "Dani prakse". Ovaj događaj omogućava studentima da se upoznaju sa radom uspješnih kompanija, kao i da saznaju šta kompanije nude kao zaposlenje. Na „Dane prakse“ dolaze predstavnici privrede koji svoja vrata otvaraju za praksu adekvatnim budućim kadrovima, kakvi se obrazuju na BLC-u.

Preduzetnička akademija

BLC osim osnovnih znanja, vještina i sposobnosti za daljnje školovanje i zapošljavanje, studentima omogućava dodatne vještine potrebne za pokretanje vlastitog biznisa.

Svake godine se u prostorijama BLC-a organizuje Preduzetnička akademija za studente koji imaju želju i namjeru da pokrenu vlastiti biznis. Kroz interaktivni rad sa trenerima, studenti testiraju i razvijaju svoju poslovnu ideju. Tokom ciklusa obuke, polaznici Akademije posjećuju uspješne start up biznise i upoznaju se sa procesom pripreme za biznis, proizvodnim procesima, načinima privlačenja kupaca i distribucije proizvoda.

Na kraju ciklusa Akademije, svaki polaznik uz stručnu podršku ima završen konkurentan biznis plan koji mu pomaže da lakše pronađe sponzore i kreditore i da lakše prati implementaciju svog biznisa. Oni koji pokrenu svoj biznis imaju priliku da dobijaju stručnu pomoć od stručnog osoblja BLC-a.

BLC ima potpisane sporazume sa značajnim akterima za pokretanje biznisa, kao što su razvojne agencije Banja Luka i Prijedor, srednjim školama, ustanovama i udruženjima građana. Na taj način, studenti dobijaju sveobuhvatnu pomoć i mogućnost provođenja kvalitetne prakse i dobijanja podsticajnih sredstava za pokretanje biznisa. Veći broj naših studenata je već pokazao zavidne rezultate u pokretanju biznisa. BLC će i dalje razvijati model dualnog obrazovanja u skladu sa primjerima dobre prakse u razvijenim zemljama.

Naučni i stručni skupovi i konferencije

Na BLC-u se tokom akademske godine organizuju naučni i stručni skupovi i konferencije i to: Računovodstvo u teoriji i praksi, Logistika i transport, Mediji i ekonomija, Međunarodna studentska konferencija SKEI, JPG konferencija.





Alumni klub BLC-a

Alumni klub BLC-a okuplja sve one koji su diplomirali na nekom od studijskih programa BLC-a. Članstvo u udruženju je dobrovoljnog karaktera, a zasniva se na pripadnosti akademskoj zajednici BLC-a. Svrha ove asocijacije je očuvanje tradicije i promocija ugleda BLC-a kroz jačanje saradnje sa bivšim studentima. Osnovna ideja Alumni kluba je povezivanje svih generacija studenata kojima je BLC bio matična visokoškolska ustanova i izbor profesionalnog opredijeljenja.

U cilju unapređenja naučnog rada BLC-a i njegove afirmacije u zemlji i inostranstvu, Alumni klub obezbjeđuje trajan i organizovan kontakt sa BLC-om, održava veze i podstiče saradnju između svih članova, pruža pomoć u poboljšanju položaja studenata i njihovog usavršavanja, organizuje godišnja okupljanja članova, stručne skupove, objavljuje studije, brošure i druge publikacije. Osnivanje Alumni kluba je rezultat potrebe da se putem uspostavljanja formalne organizacije, diplomci BLC-a redovnije i bliže informišu o svim značajnijim dešavanjima na BLC-u i uopšte akademskom okruženju, te da svojim angažovanjem postanu legitiman dio visokoškolske zajednice.


Izložbe

Studenti Grafičkog dizajna i vizuelnih komunikacija BLC-a u kontinuitetu održavaju izložbe svojih radova, i to kao tematske izložbe plakata, fotografija, crteža, slika, skulptura, grafika.

Težište interesovanja studenata na ovaj način se prikazuje kako kolegama, tako i široj javnosti, a analizira se na konkretnom proizvodu. Znanja i iskustva koja se razmjenjuju i dobijaju na ovakav način od velikog su značaja, a rezultat su odlične saradnje.

Mini olimpijada

Takmičenje studenata i učenika srednjih škola iz oblasti ekonomije i informatike pod nazivom „Mini olimpijada“ BLC organizuje svake godine u maju. Želja je da se ovim takmičenjem afirmiše znanje iz oblasti ekonomije i informatike, nagrade i promovišu najbolji učenici i studenti, a da se nastavni predmeti iz ovih oblasti učine atraktivnijim i zanimljivijim.



3D Print

Zanima vas 3D štampanje? Na BLC-u imate mogućnost da usvajate znanja iz oblasti 3D modeliranja i načina izrade 3D modela na 3D printeru. Na BLC-u možete da vidite, probate nekoliko različitih metoda 3D printa i upoznate svojstva raznih materijala koji se mogu koristiti. Profesori su vam na raspolaganju za početak rada sa 3D printom od odabira printera do izrade 3D modela. Svi studenti BLC-a imaju mogućnost da unaprijede svoje vještine modeliranja i svaki student ima mogućnost da izradi svoj model na 3D printeru.

College magazin

College magazin se vodi vizijom da svi mladi ljudi na svijetu zaslužuju pravo na kvalitetno obrazovanje. Samo sa obrazovanjem mladi imaju šansu da izrastu u kvalitetne ljude. Zbog toga, College magazin ima za cilj pružanje informacija koje im to mogu omogućuju, a profesori su neophodan stub podsticaja i podrške ka tom cilju.

Časopis studenata BLC-a omogućuje studentima da javno objavljuju svoje stručne radove i eseje iz područja svih društvenih pitanja. Osim toga, različitost tema i novinskih rodova koji se objavljuju u College magazinu primjer su kako je časopis otvoren svima, bez obzira na područje ličnih interesa.

Prema tome, časopis brine da upozna sve koji nisu na BLC-u šta sve rade studenti i profesori na ovoj visokoj školi, kao i na koji način se studenti mogu ostvariti. Zbog toga, u časopisu svoje mjesto pronalaze studenti svih smjerova koji se izvode na BLC-u. College magazin je osmišljen kao priručnik za uspješno studiranje, ali i buduće poslovne izazove. Naša najveća želja je da uspostavimo interakciju sa studentima i da zajedno sa njima motiviramo sve oko nas da se okrenu pravim vrijednostima

Arduino i Raspberry Pi

Zanimaju vas elektronika ili programiranje? Čuli ste za Arduino, Raspberry Pi ali niste imali priliku da ih probate? Arduino i Raspberry Pi uređaji su najpoznatije i najpopularnije razvojne pločice koje danas postoje u svijetu. Koriste ih i početnici i profesionalci. Svoju primjenu imaju u nastavi ali i u poslovnoj primjeni. Na BLC-u imate priliku da se upoznate sa Arduino i Raspberry Pi uređajima i dobijete neophodna znanja za spajanje komponenti s Arduino i Raspberry Pi-em te kako napisati svoj prvi Arduino ili Raspberry Pi program. Naši studenti mjerenja izvode pomoću računara, Arduino platforme i mikrokontrolerske ploče Raspberry Pi.

Interaktivna nastava kroz rad u malim grupama

Najvažniji cilj BLC-a jeste kvalitet rada. Da bi se postigao najviši kvalitet, organizovan je rad sa studentima u malim grupama. Mali broj polaznika u grupi garantuje kvalitetan rad, profesor posvećuje dovoljno pažnje svakom od polaznika. Nastava je unaprijeđena kroz primjenu savremenih metoda interaktivne nastave i mnoštva tehnoloških nastavnih sredstava.

Nastavu nastojimo obogatiti stvarnim internetskim sadržajem sa brojnih online resursa iz teme koja se izučava, kao i korištenjem PowerPoint prezentacija, interaktivne pametne table, projektora, video konferencija i tome sličnog kako bismo studentima što bolje približili gradivo.

Metoda interaktivne nastave ima zadatak da prenese aktivnost sa profesora na studenta, da pomogne polaznicima da zajedno uče i istražuju. Interaktivna nastava na BLC- u se bazira na konverzaciji i podsticanju studenata da pronalaze rješenja za određene probleme.

Već je svima jasno da je u velikim grupama teže ostvariti dobru interakciju jer student rijetko dolazi u priliku da se iskaže. U manjoj grupi u kakvima BLC radi, daleko je lakše ostvariti saradnju i dobiti podršku članova grupe. Profesor sa studentima tokom nastave koristi i dodatne nastavne materijale, kao što su audio i video materijali, razne opisne kartice sa slikama ili pričama, studije slučaja i dr. Osim tokom nastave, profesor je na raspolaganju za sva pitanja vezana za nastavu (naročito u slučaju izostanka sa nastave) i dostupan je na telefon ili e-mail.

Prednosti rada u malim grupama studenata su različite. Od povoljne emocionalne klime na času i višeg nivoa motivacije preko razvijanja saradnje među studentima do toga da se polaznici uče i zajedničkom radu, modernoj komunikaciji i kako da sami koriste izvore znanja. Praksa je pokazala da je učenje u malim grupama efikasnije, a napredak studenata je brz i primjetan, jer omogućava veću motivaciju, posebno zbog toga što se teme i problematika prilagođavaju grupi.

College radio

College radio je studentski radio BLC-a nastao kao potreba studenata za praktičnim sticanjem iskustava u radu na elektronskim medijima, emituje program muzički i sadržajno orijentisan prema studenatima i mladim. Osim pažljivo birane muzike, u programu radija se govori i o temama iz oblasti obrazovanja, umjetnosti i kulture, kao i informacije o aktuelnim dešavanjima u gradu i okruženju. Program koji samostalno uređuju studenti BLC-a, emituje se putem Interneta, 24 časa dnevno. Program se može slušati pomoću Winamp Media Player-a putem linka: <http://s3.vocast.com:8600/listen.pls>



Kontakti

Šef studentske službe

Đulka Simišić

+387 65 492 013

djulka.simisic@blc.edu.ba

Studentska služba

+387 51 433 010

blc@teol.net

Referenti**studentske službe**

Vesna Novaković

Dobriła Branković

+387 65 492 015

info@blc.edu.ba

Studentski parlament

Andrea Aničić

studentskiparlament@blc.edu.ba

Pravna služba

Sandra Lazić

+387 51 433 014

+387 65 492 014

pravnasluzba@blc.edu.ba



Banja Luka College

Obezbijedi svoje mjesto na vrijeme i kontaktiraj:

Banja Luka College

Miloša Obilića 30

78000 Banja Luka

www.blc.edu.ba

T +387 (0)51. 433 010

F +387 (0)51. 433 815

M +387 (0)65. 281 381

info@blc.edu.ba